

აშკარად ემჩნევა უძრობის, მიმბაძველობის, დოგმატურობისა და ეკლესიურობის დალი, რაც უნდა მეტყველებდეს ანტიკური სამყაროს შემოქმედებითი ძალების დაკნინებაზე. კნინდება ყველაფერი, რაც ძველი წარმართული სამყაროს შემოქმედების ნაყოფს წარმოადგენდა და, რომელიც მისი სოციალურ-ეკონომიკური ფესვები იყო ნასაზრდოები. ამასთან ერთად, არ უნდა დავივიწყოთ ის გარემოებაც, რომ გვიანი იმპერიის პერიოდი 200 წელიწადზე მეტ ხანს გრძელდებოდა და ამ დიდი დროის მონაკვეთში იყო თავისებური აღზევებისა და დაცემის პერიოდები. განსაკუთრებულად გამოიკვეთა კულტურის დაცემა უშუალოდ III საუკუნის კრიზისისა და მის მომდევნო ათწლეულში.

III-IV საუკუნეების ქრისტიანი და წარმართი რომელი მწერლებიდან უმეტესობა პროვინციელი იყო (ბერძნები, გერმანელები, ესპანელები, აფრიკელები და ა. შ.). ადსანიშნავია იდილიური ლექსის „Mosella“-ს ავტორი, გალიელი პოეტი აზონიუსი და ლიტერატურულ-ისტორიული შინაარსის სანადიმო საუბრების „სატურნალების“ ავტორი მაკრობიუსი. გვიანი ანტიკური ხანის ფართო მკითხველის გემოვნების ტიპურ ნიმუშად შეიძლება ჩაითვალოს სენტიმენტალურ-ეროტიკული ჟანრის რომანები. მაგალითად, სირიელი პელიოდრუს „ეთიოპიკა“. ამავე ჟანრის ცნობილი მწერლის ქალაქ ეფესოს მკვიდრის, ქსენოფონტეს ნაწარმოებები და სხვ. ორივე მწერალი III საუკუნის ბოლოსა და IV საუკუნის დასაწყისში ცხოვრობდა, ეპოქაში, როდესაც ყველაზე მწვავედ იგრძნობოდა კრიზისის შედეგები. IV საუკუნის ბოლოს გვიან რომის იმპერიაში ფართო საზოგადოებრიობის განსაკუთრებული პოპულარობით სარგებლობდა ბერძენი მწერლის ლონგეს რომანი „დაფნისი და ქლოე“.

ბიზანტიური კულტურა

ბიზანტიის იმპერიას, რომელმაც 1000 წელზე მეტ ხანს იარსება, განსაკუთრებული ადგილი უჭირავს მსოფლიო ცივილიზაციის ისტორიაში. ის წარმოადგენდა შუა საუკუნეების უდიდეს ქრისტიანულ სახელმწიფოს ევროპისა და აზიის გზაშესაყარზე. ბიზანტიის კულტურა განეკუთვნება შუა საუკუნეების ქრისტიანულ კულტურას, მაგრამ მას გააჩნია სპეციფიკური თავისებურებანი დასავლეთის ქრისტიანულ კულტურასთან შედარებით.

ბიზანტიის ისტორიისა და კულტურის თავისებურებას განსაზღვრავდა იმპერიის ეთნიკური შემადგენლობა, გეოგრაფიული მდებარეობა, ეკონომიკის განვითარების დონე, იდეური პრიორიტეტები და სახელმწიფოს პოლიტიკური დოქტრინა, რომლის საფუძველსაც წარმოადგენდა იმპერიის განსაკუთრებული დანიშნულების იდეა.

ბიზანტია იღებდა თავისთავზე ძველი რომის მისიას, კონსტანტინოპოლი გამოცხადდა ახალ რომად. ახალი რომის თეორია იყო მსოფლიო იმპერიის პოლიტიკური კონცეფციის ძირითადი ელემენტი, რომლის მიხედვითაც ბიზანტია იყო მართლმადიდებლური ქრისტიანობის ცენტრი, კონსტანტინოპოლი კი ქრისტიანთა დედაქალაქი. კონსტანტინოპოლის პატრიარქი იწოდებოდა მსოფლიო პატრიარქად და ქრისტიანთა მამად. ჩამოყალიბდა სახელმწიფოსა და იმპერატორის ხელისუფლების ერთიანი ქრისტიანული კონცეფცია, რომელსაც საფუძველად ედო ავტოკრატორის (თვითმპყრობელის) კულტი. იმპერატორი იყო ღვთისრჩეული. ღმერთი არის პანტოკრატორი, ყოვლისმპყრობელი, რომელიც ზეციურ და მიწიერ არსებებს აწესრიგებს, ხოლო იმპერატორი არის კოსმოკრატორი – მიწიერი, ხილული სამყაროს მეთაური. ბიზანტია, რომეების იმპერია, არის არა მხოლოდ რომეების, არამედ ყოველთა ქრისტიანთა სახელმწიფო. ეს თეორია იმპერიის ისტორიის მთელ

პერიოდს გასდევს და არასოდეს არ გადადის უკანა პლანზე წინაშე წარმოქმნილი მრავალი განსაცდელის მიუხედავად, პირიქით „ღვთისრჩეულობის“ კონცეფცია უფრო აქტუალური ხდება მძვინვარების პერიოდებში.

ბიზანტიის იმპერია, თავისი გეოგრაფიული ადგილმდებარეობით ეთნიკური შემადგენლობით და ეკონომიკური მდგომარეობით არც მხოლოდ ევროპული და არც მხოლოდ აღმოსავლურ სახელმწიფო. ეგვიპტე, სირია, პალესტინა, სომხეთი, საქართველო, მცირე აზია, რომლებიც სხვადასხვა დროს შედიოდნენ იმპერიის შემადგენლობაში ახდენდნენ გავლენას მთლიანად ქვეყნის საზღვარგარეთ ინსტიტუტებისა და კულტურის ჩამოყალიბებაში იმპერიის ევროპულ ნაწილში ძირითადად ბერძნული ტრადიცია გაბატონებული. ევროპულისა და აღმოსავლეთის კულტურის ურთიერთშეხამება ბიზანტიურ ცივილიზაციას აძლევდა სრული სპეციფიკურ ხასიათს. ბიზანტიის ისტორიის სხვადასხვა ეტაპზე ამ სინთეზში უპირატესობას იღებდა ხან აღმოსავლური და, ხან დასავლური ელემენტი. მის ადრეულ ეტაპზე XI საუკუნის ნახევრის ჩათვლით ბიზანტიის სახელმწიფოს კულტურაში, მის საზოგადოებრივ ცხოვრებაში გაბატონებული იყო აღმოსავლური გავლენა, ხოლო კომნენოსთ დინასტიის ხელისუფლების სათავეს მოსვლიდან, როდესაც უფრო ღრმა გახდა ეკონომიკური და პოლიტიკური კავშირები დასავლეთთან, უკვე მნიშვნელო ადგილს იკავებს დასავლური კულტურა. ბიზანტიური კულტურა წარმოადგენს დასავლური და აღმოსავლურ ელემენტების სინთეზს საზოგადოების მატერიალური და სულიერი ცხოვრების სხვადასხვა სფეროში.

ბიზანტიის კულტურის მრავალფეროვნებაზე შესაბამის გავლენას ახდენდა მასში შემავალი ხალხების თვითმყოფადობა, მათი ყოფითი და ტრადიციული ჩვევები და, საერთოდ, კულტურა. ბიზანტიური კულტურაზე გარკვეული გავლენა მოახდინა მის ტერიტორიაზე ბარბაროსი ხალხებისა და სლავთა მიგრაციამ, კავკასიისა და აზოვისპირეთის ხალხებმა. ასევე განვითარებული ირანისა და ისლამის (არაბები, თურქები) კულტურებმა თავიანთი წვლილი შეიტანა ბიზანტიის კულტურის განსაზღვრაში.

ბიზანტიის კულტურა არის აღმოსავლეთის ქრისტიანული კულტურა.

დასავლეთ და აღმოსავლეთ ევროპის ისტორიული განსხვავება არის შემთხვევითი და მხოლოდ გარკვეულ ისტორიულ პერიოდებში, არამედ არსებობს არსებითი განსხვავება, რაც უნდა ვეძებთ მოსახლეობათა კულტურულ თავისებურებებში, ტემპერამენტსა და ხასიათში. ისევე როგორც რომს და რომაულ კულტურას მიიჩნევენ დასავლეთ ევროპის ქვეყნები თავიანთი ისტორიული განვითარების საწყისად, ასევე უნდა ჩაითვალოს ბიზანტია აღმოსავლეთ ევროპისა და სხვა აღმოსავლეთის მართლმადიდებელი ქვეყნებისათვის.

ბიზანტიის ფენომენს, როგორც რომის სახელმწიფოს ტრადიციების გამგრძელებელს, როგორც ქრისტიანული კულტურის სათავეს, განსაკუთრებული მნიშვნელობა ენიჭება სლავების, საქართველოს და სომხეთის ისტორიული განვითარების პროცესში.

აღმოსავლეთ და დასავლეთ ევროპის დაცელება და დაპირისპირება იწყება არა რომის იმპერიის გაყოფით IV საუკუნის ბოლოს, არამედ დაპირისპირებით ევროპის ქრისტიანობის ორ ცენტრს — კონსტანტინოპოლსა და რომს შორის. ამ დაპირისპირებაში უფრო მნიშვნელოვანია ის პოლიტიკური პრეტენზიები, რომლებიც გაჩნდნენ დასავლეთის ახლად ჩამოყალიბებულ ეთნიკურ ელემენტებში, ვიდრე დოგმატური შეუთავსებლობა. დასავლეთში რომის დაცემის შემდეგ ახლად ჩამოყალიბებული სახელმწიფო ერთეულები იწყებენ ბრძოლას რომის იმპერატორის გვირგვინის აღმოსატანად კონსტანტინოპოლიდან დასავლეთში. ბიზანტიიდან დასავლეთში მსოფლიო იმპერიის ცენტრის გადატანის მცდელობას წარმოადგენდა დასავლეთში იმპერატორის წოდების გაჩენა და კერძანელთა მიერ რომის საღვთო იმპერიის შექმნა. ეს უკვე იშმაკადა ბიზანტიისათვის, რომელიც თავისთავს რომელების იმპერიას უწოდებდა, მემკვიდრეობითი პრეტენზიის წაყენებას. დაპირისპირება აბოლოლოდ გაფორმდა XI საუკუნეში კათოლიკური ეკლესიის გამოყოფით მსოფლიო ეკლესიისგან.

ბიზანტიის კულტურის მნიშვნელოვან ტიპოლოგიურ თავისებურებას წარმოადგენდა ბიზანტიაში მნიშვნელოვანი მასშტაბებით ანტიკური კულტურული მემკვიდრეობის შენარჩუნება. ამ ტიპოლოგიური თავისებურების წარმოქმნისათვის ობიექტური ისტორიული კანონზომიერებანი არსებობდა, იგულისხმება იმპერიის საზოგადოებრივი და პოლიტიკური განვითარების ტენდენციები.

ბიზანტიისათვის მემკვიდრეობის პრობლემა პირველხარისა როლს ასრულებდა. ტრადიციის ძალა და სტერეოტიპები ბის კულტურასა და ხელოვნებაში იყო ძალიან დიდი. მეცნიერებს ხელოვნების ნებისმიერი დარგი ბიზანტიაში წარმოადგენდა ერთ და რომაული მემკვიდრეობის გაგრძელებას, რომელსაც ეძღოთავესებური მიმართულება, ანუ ხდებოდა მისი გადაქცევა ქრისტიანული სწავლების შესაბამისად. ვინაიდან შუა საუკუნეებში მსოფლმხედველობა თავისი არსით იყო თეოლოგიური, ბიზანტიანტიკურმა ფილოსოფიამ ადგილი დაუთმო ღვთისმეტყველების საეკლესიო დოგმა წარმოადგენდა ამოსავალ წერტილს საფუძველს ყოველგვარი აზროვნების. საერო მეცნიერება, როგორც ყველგან, შუა საუკუნეებში ბიზანტიაშიც დებულსადღვთისმეტყველო შეფერილობას. მიუხედავად ამისა, ბიზანტი ყოველთვის იბადებოდა ახალი იდეები, ყალიბდებოდა ახალი ფილოსოფიურ-სადღვთისმეტყველო, პოლიტიკური, სამხედრო-თეორიული, ეთიკური და ესთეტიკური შეხედულებანი. მუსიკის იდეური ბრძოლა ძველსა და ახალს შორის — ეს არის ერთ-ერთი ძირითადი ნიშანი ბიზანტიის როგორც საზოგადოებრივი, ასევე კულტურული ცხოვრების. ანტიკური ტრადიციების განვითარება საფუძველზე აღმოცენდა ჰუმანისტური იდეები, რომელთა გადარქმევა დასავლეთში გაამდიდრა რენესანსის ეპოქის ევროპის კულტურა. ბევრი კულტურული ღირებულება გადავიდა ბიზანტიიდან დასავლეთში. ბიზანტია, რომელიც ინახავდა თავის წიაღში ანტიკური ცივილიზაციას, იყო დასავლეთის ხალხებისათვის განათლებისა და ცოდნის წყარო. თვით ლათინური ეკლესიის ღვთისმსახურება, სეკლესიო წეს-ჩვეულებანი, საეკლესიო სამართალი დიდად არის დაუკლებელი ბიზანტიისაგან.

ბიზანტიის კულტურის სხვა თავისებურებანი აღმოცენებულს არსებითი განსხვავებით აღმოსავლეთ ორთოდოქსალურ დასავლეთის კათოლიკურ ეკლესიებს შორის. ეს განსხვავება ემყარება ფილოსოფიურ-თეოლოგიურ შეხედულებათა თავისებურებებს მართლმადიდებელი და კათოლიკური ეკლესიების დოგმატიკაში. ლიტურგიკაში ესთეტიკურ ღირებულებებსა და ქრისტიანული ეთიკურ სისტემაში.

ბიზანტიის სახელმწიფოს მოწყობას არანაკლები გავლენა ჰქონდა მის კულტურაზე. დასავლეთისაგან განსხვავებით ბიზანტიაში

არსებობდა ენობრივი და კონფესიული ერთიანობა ერთიანი სახელმწიფოს ფარგლებში. ბიზანტია ყოველთვის ინარჩუნებდა მტკიცე სახელმწიფოებრიობას და ცენტრალურ მმართველობას. ერთიანი ცენტრალიზებული სახელმწიფოს და იმპერატორის ხელისუფლებამ დიდი გავლენა მოახდინა ბიზანტიის კულტურაზე. განსხვავებით დაქსაქსული შუა საუკუნეების ევროპისაგან ბიზანტიას ჰქონდა ერთიანი პოლიტიკური დოქტრინა და იმპერატორის კულტი, რაც აისახა საზოგადოების კულტურული ცხოვრების სხვადასხვა სფეროში.

ბიზანტიის ისტორიულ განვითარებაში დომინირებს იმპერიის დედაქალაქი, რომელსაც ერთიანობაში მოჰყავდა ბიზანტიური კულტურა და იმპერატორულად ინარჩუნებდა საქალაქო კულტურას, რაც გამოარჩევდა ბიზანტიურ კულტურას ევროპული მედიევალური კულტურისაგან. მთელი თავისი არსებობის მანძილზე კონსტანტინოპოლი ასრულებდა განმსაზღვრელ როლს იმპერიის პოლიტიკურ ცხოვრებაში. პროვინციების დაკარგვისა და სახელმწიფოს ტერიტორიის ევროპის რაიონამდე დაყვანისას, თვითონ კონსტანტინოპოლი განასახიერებდა იმპერიას. თვით იმპერიის ხანგრძლივობის განსაზღვრა შეიძლება კონსტანტინოპოლის არსებობის ხანით 330 წლის 11 მაისიდან, ქალაქის საზეიმო გახსნიდან 1453 წლის 29 მაისამდე კონსტანტინოპოლის დაცემით.

ბიზანტიაში ქრისტიანობის მზარდ გავლენასთან ერთად ყოველთვის ჩქეფდა საერო კულტურა და განათლება, რომელიც ევროპობოდა, ერთი მხრივ, ბიზანტიის არისტოკრატისა და ქალაქის ინტელიგენციას, ხოლო, მეორე მხრივ, სახალხო კულტურას. ბიზანტიის მოსახლეობის წარმოდგენებსა და წეს-ჩვეულებებს, სახალხო რელიგიურ და თეატრალურ რიტუალებს შენარჩუნებული ჰქონდა ანტიკური მისტერიების ნიშან-თვისებები. სახალხო მუსიკა და ცეკვები, ხალხური ეპოსი, სატირული იგაე-არაკები ბიზანტიურ კულტურაში მეტად მნიშვნელოვანია და თავისებურ გავლენას ახდენს მის განვითარებაზე ანტიკურ კულტურულ მემკვიდრეობასთან ერთად.

ადრეობიზანტიური კულტურა. IV საუკუნის დასაწყისისათვის, როდესაც ხმელთაშუა ზღვის აუზში მძაფრ სახეს იღებს დაპირისპირება ქრისტიანობასა და წარმართულ რელიგიას შორის, უძლიერესი რომის იმპერია იძულებული ხდება თავისი არსებობის

შესწავლა. უპირველესი არის რწმენა და არა ცოდნა. „რწმენა იძენს განსაკუთრებულ მნიშვნელობას საზოგადოებაში. ყველა პოპულარული ჟანრი ლიტერატურაში არის წმინდანთა ცხოვრების აღწერა. ქვეყნის ერთიანობა წარმოდგენილია ქრისტიანულ სარწმუნოებით ლიტერატურაში ფართოდ დაინერგა რიტორიკული მეთოდი, რაც მიუთითებდა, რომ იგი იწერებოდა უპირატესად არაკითხველისათვის, არამედ მსმენელისათვის.

ხატმებრძოლობამ განსაკუთრებული გავლენა იქონია ბიზანტიის სახვით ხელოვნებაზე. ამ პერიოდში თითქმის შეწყდა შუა საუკუნეების ხელოვნების ყველაზე მეტად გავრცელებული სახე — ხატწერა და საეკლესიო ფრესკა. იგი მხოლოდ იკონოკლასტური მოძრაობის დამთავრების შემდეგ აღდგა და ჩამოყალიბდა ხატწერის მკაცრი კანონები თავისი მყარი ნორმებით. პარალელურად ამისა, ბიზანტიის სახვითი ხელოვნება ვითარდება საერო მიმართულებით, სადაც ანტიკური ტრადიციები იზრდება, ვინაიდან ხელოვანი არ არის შეზღუდული რელიგიური თემებით.

ხატმებრძოლობის პერიოდში ბევრი სასულიერო თუ სხვა საზოგადო მოღვაწე იძულებული გახდა დაეტოვებინა სამშობლო, მათ მნიშვნელოვანი წვლილი შეიტანეს იმ ქვეყნების კულტურის განვითარებაში, სადაც ისინი გადავიდნენ სამოღვაწეოდ. ეს იყო უმთავრესად დასავლეთ ევროპის ქვეყნები.

იკონოკლასტური მოძრაობის დასრულებამ ახალი ბიძგი მისცა ანტიკური კულტურის განვითარებას, რომელიც შეზღუდული იყო ხატმებრძოლი იმპერატორებისა და ხატთაყვანისმცემელთა დაპირისპირების გამო.

სასულიერო კულტურის აღმავლობის პირობებში ბიზანტიის ფილოსოფიურ აზროვნებაში ახალ მიმართულებას წარმოადგენს პატრიარქ ფოტიოსის შემოქმედება. ფოტიოსი თავის ირგვლივ შემოკრებილ ახალგაზრდებს ქრისტიანულ ლიტერატურასთან ერთად უკითხავდა, განუმარტავდა ანტიკური ლიტერატურის ძეგლებს. ამ მიზნით, მან შეადგინა კრებული „მირიობიბლიონ“, რომელშიც შედიოდა ნაწევრები ქრისტიან ძველ ბერძენ ავტორთა 280 ნაწარმოებიდან. გარკვეული ნაწილი ამ ნაწარმოებებისა დღეისათვის ცნობილია მხოლოდ ამ კრებულით ბიზანტიის ისტორია, კულტურა, მისი ყოფა-ცხოვრება, საიმპერატორო კარის ცერემონიალები და, საერთოდ, ცენტრალური პერიოდის ბიზანტიის საზოგადოების

ცნობიერება შესანიშნავად არის ასახული მაკედონიელთა დინასტიის იმპერატორის კონსტანტინე პორფიროგენეტის თხზულებებში — „სახელმწიფოს მართვის შესახებ“, „თემების შესახებ“, „ბიზანტიის სამეფო კარის ცერემონიების შესახებ“, „ბასილი დიდის ცხოვრება და მოღვაწეობა“.

X—XI საუკუნეებში ხალხური თქმულებებისა და გადმოცემების საფუძველზე აღმოცენდა ხალხური ეპოსი, რომლის ძირითად თემას არაბი და სხვა დამპყრობლების წინააღმდეგ ბრძოლა წარმოადგენდა. პოემა „დიოგენის აკრიტასი“ არის მთელი მედიევალური ხანის საგმირო ეპოსის საუკეთესო ნიმუში.

X—XI საუკუნეებში ბიზანტიის კულტურაში ორი ტენდენცია არსებობდა, მოაზროვნეთა ნაწილი გატაცებული იყო ანტიკური ფილოსოფიით და ადამიანის სრულყოფისათვის უპირატესობას რწმენასთან შედარებით განათლებას, გონებას ანიჭებდნენ. ხოლო მეორენი ძირითადად გაბატონებულნი ქრისტიანული ეთიკის სულისკვეთებით ამტკიცებდნენ, რომ მხოლოდ ღოცვითა და სულიერი განწმენდით იყო შესაძლებელი ერთიანობა ღმერთთან. ამ უკანასკნელს წარმოადგენდნენ მისტიკოსები, რომელთა შორის გამორჩეული იყო სიმეონ ახალი ღვთისმეტყველი (949-1022 წწ.).

ძველი ბერძენი ფილოსოფოსების არისტოტელესა და პლატონის გავლენა აშკარაა შუა ბიზანტიური ხანის ფილოსოფოსების მიქაელ პსელოსის და იოანე იტალოსის შემოქმედებაზე. „ფილოსოფოსთა წინამძღოლის“ ტიტულის მქონე მიქაელ პსელოსი მრავალმხრივი მოღვაწე იყო. იგი შესანიშნავად უთავსებდა სამეცნიერო და ლიტერატურულ მოღვაწეობას სახელმწიფოებრივ საქმიანობას. პსელოსი ცდილობს ქრისტიანობის სამსახურში ჩააყენოს ანტიკური ფილოსოფია, მას არისტოტელეს „ლოგიკისა“ და რაციონალური ელემენტებისათვის საყვედურობენ მისი თანამედროვენი, ხოლო მისი მოწაფე იოანე იტალოსი „პლატონით გატაცების“ გამო განკვეთა ეკლესიამ.

საერო ლიტერატურის განვითარების ნათელი დადასტურებაა მიქაელ პსელოსის „ქრონოგრაფია“, რომელიც ბიზანტიის ისტორიულ მემუარული ლიტერატურის ახალი ეტაპია. XI—XII საუკუნეებში ბიზანტიაში განსაკუთრებულ ადგილს იკავებს ისტორიული ლიტერატურის ჟანრი. ამ პერიოდში შექმნილი ქრონიკები თავიანთი ხასიათით აღრებიზანტიური ხანის „ისტორიების“

გაგრძელებაა. კომუნოსების ხანის ისტორიკოსები წერის მანერა
ბაძავენ ბერძენ ისტორიკოსებს. ცნობილი შემთხვევით, იმპერატორ
ალექსი კომუნოსის ქალიშვილი ანა კომუნოსი იყო თავისი დროის
ერთ-ერთი უგანათლებულესი ადამიანი. მისი თხზულება შეეხებოდა
მამამისის მოღვაწეობას და დაწერილია თუკიდიდეს მიბაძვის
ბრწყინვალე ატიკური ბერძნულით. ანა კომუნოსის „ალექსიადას“
გაგრძელებას წარმოადგენს ნიკიტა ხონიატის „რომეების
ისტორია“, რომელშიც აღწერილია ჯვაროსანთა მიერ 1204 წელს
კონსტანტინოპოლის აღების ტრაგიკული ამბები.

IX—X საუკუნეებში ბიზანტიაში განსაკუთრებული ყურადღება
ექცევს სამონასტრო მშენებლობას, შემუშავებულ იქნა სამონასტრო
ხუროთმოძღვრების ძირითადი პრინციპები. მონასტერი წარმოადგენდა
შენობათა კომპლექსს, რომელიც შემოკავებული იყო ქვის
კედლებითა და კოშკებით. X საუკუნეში ათონის მთაზე დაარსდა
მონასტრები, რომელთა შორის ერთ-ერთი უმნიშვნელოვანესი იყო
ქართველთა მიერ დაარსებული ივირონის მონასტერი. ათონის
ივერთა მონასტერი შუა საუკუნეების საქართველოს კულტურისა
და განათლების მნიშვნელოვან ცენტრს წარმოადგენდა. ბიზანტიის
კულტურის ერთ-ერთი მნიშვნელოვანი კერა იყო 1088 წელს
დაარსებული იოანე ღვთისმეტყველის მონასტერი კუნძულ პატ-
მოსზე.

X საუკუნეში ბიზანტიაში საბოლოოდ ჩამოყალიბდა ჯვარ-
გუმბათოვანი ტიპის არქიტექტურა, რომელიც ჯერ კიდევ VI საუკუ-
ნეში ჩაისახა მახლობელი აღმოსავლეთისა და კავკასიის ქვეყნებში.
ჯვარ-გუმბათოვანი ტიპის მშენებლობის დასრულებულ სახეს
წარმოადგენს ათონის მთის მონასტრის ეკლესიები.

მაკედონური დინასტიის პერიოდში ბიზანტიის ხელოვნებაში
განსაკუთრებით დაიხვეწა მინანქრის ტექნიკა, რითაც განთქმულები
იყვნენ ბიზანტიელები მთელ მსოფლიოში. ეს ტექნიკა ბიზანტიაში
აღმოსავლეთიდან შემოვიდა, მოგვიანებით ბიზანტიიდან ფართოდ
გავრცელდა დასავლეთში.

შუა საუკუნეების ქრისტიანულ კულტურაში ბიზანტიურ და
დასავლეთეუროპულ კულტურულ ღირებულებათა ურთიერთგა-
მიჯვნაში არსებითი როლი შეასრულა 1054 წლის საეკლესიო
განხეთქილებამ. ამის შედეგად XII საუკუნის დამდეგისათვის
ევროპაში ჩამოყალიბდა ორი მკაფიოდ გამოჩენილი რელიგიურ-

კულტურული არეალი — მართლმადიდებლური და კათოლიკური.
ს ორი ქრისტიანული კულტურა არა მხოლოდ პოლიტიკურად
ორდება ერთმანეთს, არამედ ყალიბდება როგორც გარეგნული
არჩევნით, ასევე თვისობრივი ხასიათის განსხვავებებით.

კათოლიკურ სამყაროში უფრო სრულყოფილი ხდება ეკლესიის
ონოპოლია კულტურაზე, ლათინურმა ეკლესიამ თავის კონტროლს
დაუქვემდებარა მთელი დასავლური საზოგადოების სულიერი
ცხოვრება. პაპის ცენტრალიზებული იდეოლოგიური პოლიტიკა
დასავლეთის უფრო მეტად ცენტრალიზებული საეკლესიო სისტემის
რეტენზიას აცხადებდა საერო და სასულიერო ხელისუფლების
თავისი გავლენის ქვეშ მოქცევაზე, ხოლო აღმოსავლეთის დარბაზის
ეკლესია ნაკლებად იყო ცენტრალიზებული და მეტად დამოკიდებულ
საერო ხელისუფლებაზე. დასავლური ეკლესიისათვის დამახასიათებელი
იყო უფრო მძაფრი ემოციები. საერო ხელისუფლებასთან
უპირატესობის განსამტკიცებლად, დასავლეთის ეკლესიაში წინ-
აღმართულად დგება ასკეტური იდეალები, ჩნდება ინკვიზიცია. ბერძნულ
ეკლესია უფრო თანამიმდევრულად თანამშრომლობდა საერო
ხელისუფლებასთან. მართლმადიდებლობისათვის დამახასიათებელი
იყო განზოგადებული ფილოსოფიური აზროვნება. ამ განსხვავებ-
ასახვა პოვა ბიზანტიურ და დასავლეთეუროპულ კულტურაში, კე-
ძოდ, ლიტერატურასა და ხელოვნებაში.

XI—XII საუკუნეებში, მიუხედავად დასავლეთისა და აღმ-
სავლეთის ეკლესიებს შორის განხეთქილებისა ამ ორ კულტურულ
არეალს შორის მაინც არსებობდა ინტენსიური კავშირები.
პერიოდიდან ბიზანტიური კულტურა აქტიურად ვრცელდება
მხოლოდ იტალიასა და გერმანიაში, არამედ აღწევს საფრანგულ
და ინგლისში. ბიზანტია, როგორც ანტიკური ტრადიციების
მატარებელი და დამცველი საგანგებო ყურადღებას იქცე-
დასავლეთში.

ჯვაროსანთა ლაშქრობებმა XI-XIII საუკუნეებში გააქტიურ-
დასავლეთისა და აღმოსავლეთს შორის კონტაქტები. გამოცოცხლ-
დასავლეთ ევროპის ინტერესი ანტიკური ლიტერატურისად
რომელსაც ისინი ბიზანტიელებისაგან ეცნობოდნენ. საფრანგულ
შეიქმნა „რომანი ტროას შესახებ“, გერმანიაში — „სიმღერა ტრ-
აზე“, ასევე იტალიაში — „ტროას დანგრევის ისტორია“, ლათინ-
ენაზე ითარგმნება ბიზანტიელ წმინდანთა ცხოვრება.

გვიანბიზანტიური კულტურა. 1204 წელს ჯვაროსანთა მიერ კონსტანტინოპოლის აღებამ ბოლო მოუღო კონსტანტინოპოლის კულტურულ მონოპოლიას. ლათინთა მიერ კონსტანტინოპოლის აღების შემდეგ ბიზანტიის იმპერიის ტერიტორიაზე ჩამოყალიბდა რამდენიმე დამოუკიდებელი სამეფო და სამთავრო. ერთ ნაწილს წარმოიშვა ლათინთა სენიორიები — კონსტანტინოპოლში ლათინთა იმპერიის სახით, რომელსაც სათავეში ჩაუდგა ფლანდრიის გრაფი ბალდუინი; თესალონიკის სამეფო მონფერატის მარკისის ბონიფაციუსის მეთაურობით. ხოლო თვით ბერძნული სახელმწიფოებიდან წარმოიშვა ძირითადად სამი ცენტრი ნიკეის იმპერიამცირე აზიის ჩრდილოეთ ნაწილში, ეპირის დესპოტატი ბალკანეთზე და ძველი პონტოს ტერიტორიაზე შავი ზღვის სამხრეთით ტრაპიზონის იმპერია, რომელიც საქართველოს მეფის — თამარის უშუალო ჩარევით ჩამოყალიბდა. მიუხედავად იმისა, რომ ეს ბერძნული სამეფო-სამთავროები 1261 წლამდე თითქმის იზოლირებული იყვნენ ერთმანეთისაგან, მათ ტერიტორიებზე ბიზანტიის სახელმწიფოს საუკუნოვანი ტრადიციები და ღირებულებები ხელშეუხებელი რჩებოდა. ბიზანტიური კულტურის ცენტრს ამ უტაპზე ნიკეა წარმოადგენს, ნიკეა ზღება „კონსტანტინოპოლი დევნილობაში“.

ლათინთა აგრესიამ, კათოლიკურსა და ორთოდოქსალურ ეკლესიებს შორის დაპირისპირებამ, ბიზანტიელების განსაკუთრებული ყურადღება გადაიტანა იმ განმასხვავებელი ნიშნების ძიებაზე, რომლებიც მას გამოარჩევდნენ რომაელებისაგან და ლათინებისაგან. ბიზანტიაში ჩნდება ელინური უპირატესობის შეგრძნება და მართლმადიდებელი ეკლესია ზღება შემაკავშირებელი საყრდენი სახელმწიფოებრივი ერთიანობისა. ამ ერთიანობით შეძლეს უკანასკნელად მოეხდინათ ბიზანტიის გაერთიანება კონსტანტინოპოლის ცენტრით. მიუხედავად ამისა, ერთ დროს უძლიერესმა იმპერიამ მაინც დაკარგა თავისი სიდიადე, პალეოლოგებმა ვერ შეაჩერეს დაწყებული რღვევის პროცესი, ბიზანტიამ ვერ გაუძლო ყოველი მხრიდან აგრესიას და XV საუკუნის შუა ხანებში შეწყვიტა არსებობა.

კონსტანტინოპოლის ტრაგედიამ ახალი ბიძგი მისცა ელინისტური კულტურისადმი ბიზანტიელთა დაინტერესებას. გარდა იმისა, რომ ბერძნულ კულტურაში ხედავდნენ იდეურ კულტურულ გამა-

ერთიანებელ ფაქტორს, ისინი ანტიკურ ფილოსოფიაში ეძებდნენ თი უბედურებების მიზეზების ახსნას.

ლათინთა და ბიზანტიელთა დაპირისპირებას თან სდევდა ბერძნული და დასავლეთის კულტურის ურთიერთგაცნობისა და ურთიერთგაზიარების პროცესი. ადგილობრივი და დასავლეთის კულტურული კავშირი ძირითადად ბიზანტიური კულტურის უპირატესობის ფონზე მიმდინარეობდა. ლათინ დამპყრობელთა მაღალი პოპულარობის წარმომადგენლები დიდი სიამოვნებით ეწაფებოდნენ ბერძნულ კულტურას. თავის მხრიდან დასავლეთის გაკლენა თავს იჩენს ბიზანტიურ ხელოვნებასა და ლიტერატურაში. დასავლეთის გაკლენით აღმოცენდა ბიზანტიაში სარაინდო რომანი, ასევე შეაღწია ბიზანტიაში კურტუზაზული ლირიკის მოტივებმა. XIII — XIV საუკუნეების ბერძნული სარაინდო პოემები „ბელთანდრე და ზრიზანცა“, „კალიმახე და ზრიზორო“ აღმოცენდა ძველბერძნული სატრფიალო-სათეგადასავლო რომანის ტრადიციებზე, მაგრამ ისინი მაინც უფრო ახლოს დგანან დასავლეთის სარაინდო ეპოსთან.

თურქთა აგრესიულმა თავდასხმებმა, რომელიც იმპერიას დღე-ღღეზე განადგურებით ემუქრებოდა „ღვთისრჩეული იმპერია“ მძიმე პოლიტიკური სიტუაციის წინაშე დააყენა — ან კონფესიული დათმობის ფასად მიეღოთ დახმარება დასავლეთისაგან, ან წასულიყვნენ თურქებთან კომპრომისზე მართლმადიდებლობის შენარჩუნების იმედით.

ლათინურ ეკლესიასთან, კათოლიციზმთან მართლმადიდებელი ეკლესიის კავშირი — უნია, რომელიც სამჯერ იქნა ხელმოწერილი, პალეოლოგების ხანაში გახდა დავისა და დაპირისპირების მიზეზი ბიზანტიის საზოგადოებაში. ბიზანტიელ სწავლულთა ერთი ნაწილი, რომელთაც ბიზანტიელ ჰუმანისტებს უწოდებდნენ, ესწრაფოდნენ ერთიანი ქრისტიანული ეკლესიის აღდგენას და ხსნას დასავლეთში ეძებდნენ. ეს მეცნიერები, მაშინდელი საზოგადოების წარჩინებული ადამიანები თეოდორე მეტოხიტი, ნიკიფორე გრიგორა, დიმიტრი კიდონისი, გეორგ პლეთონი, ბესარიონ ნიკეელი არისტოტელესა და პლატონის მოძღვრებებთან ერთად დიდ ინტერესს იჩენდნენ დასავლეთის ისეთი პროგრესული მოღვაწეების შემოქმედებისადმი, როგორებიც იყვნენ თომა აკვინელი, პიერ აბელარი და სხვები.

აღყაშემორტყმულ კონსტანტინოპოლში, დიდ ნაწილს ნაკლები იმედი გააჩნია დასავლეთის დახმარების და ქვეყნის ხსნას მხოლოდ

მართლმადიდებლობასა და ელინიზმში ხელავეს. ეს გახდა რითადი მიზეზი მისტიკური მოძრაობის გაძლიერების, რომელმაც ჩაისახა სინასა და ათონის მონასტრებში და ცნობილია მისტების მოძრაობის სახელით (ისიხია - ბერძნ. სიმშვიდე, უდაბნეობა). მისი წარმომადგენლები გრიგოლ სინაიტი, გრიგოლ პალამა და ნიკოლოზ კავასილა ქადაგებდნენ ღვთისადმი სრულმორჩილებას, სულიერი მოღვაწეობის მიზნად მიაჩნდათ სამყაროში შემეცნება, არა გონებითა და ლოგიკით, არამედ ლოცვების დაძლევის, ასკეტიზმით. ამ იდეებს მხარი დაუჭირა მართლმადიდებელმა ეკლესიამ და ხელისუფლებამ. 1351 წელს საეკლესიო კრება მიესალმა გრიგოლ პალამას მოძღვრებას, ხოლო მისი მოწინააღმდეგეები ვარლამ კალაბრიელი, გრიგოლ აკინდინი და ნიკიფორე გრიგორა ანათემას გადასცა. ისინი ხისტებმა, მართალია თავისი იდეებით ვერ შეძლეს გადაერჩინათ თავიანთი სამშობლო, მაგრამ განუზომელი იყო მათი როლი მოსახლეობის დასარაზმავად თავსდატეხილი უბედურების წინააღმდეგ, ქრისტიანული მორალის განმტკიცებასა და ჰუმანური ზნეობის დამკვიდრებაში. ისინიზმი გახდა გაბატონებული იდეოლოგიური დოქტრინა როგორც ბიზანტიაში, ასევე სხვა ორთოდოქსული ქრისტიანობის ქვეყნებში.

ბიზანტიის იმპერიის უკანასკნელ პერიოდში, როდესაც უმძიმესი თავდაცვითი ბრძოლები თითქმის არ ტოვებდა მშვიდობიან მოღვაწეობის პირობებს, ქვეყანაში მაინც არ ჩამკვდარა კულტურული ცხოვრება. ნაციონალურმა გრძნობებმა და წარსულის დიდებისადმი უაღრესად დიდმა ნოსტალგიამ განაპირობა ამ პერიოდში საისტორიო მწერლობისადმი განსაკუთრებული ინტერესი. პალეოლოგების ხანის ისტორიული ქრონიკები იძლევა არა მხოლოდ ეპოქის აღწერას, არამედ ავტორები საკუთარი თვალთახედვით განიხილავენ ფაქტებს და მოვლენებს. ცნობილი საზოგადო მოღვაწის ნიკიფორე გრიგორას ნაშრომი „რომაული ისტორია“, რომელიც მემშარული ხასიათისაა, აღწერს იმპერიის ისტორიის უმძიმეს წლებს 1204 და 1359 წლამდე ამ პერიოდის გამორჩეულ ისტორიკოსთა შორის უნდა დაეასახელოთ უზურპატორი იმპერატორი იოანე კანტაკუზინი, რომელმაც აღწერა ოსმალთა შემოსევების დასაწყისი ეტაპი. კონსტანტინოპოლის დაცემის, ბიზანტიის უკანასკნელი ტრაგიკული დღეების თავისებური შეფასებები გადმოცემულია გამოჩენილი ისტორიკოსების გიორგი

ერანძესის, დუკას, ლაონიკე ხალკონდილეს და კრიტობულის შრომებში.

პალეოლოგების ხანაში ხელოვნების განვითარების ტემპები არ შენელებულა, მიუხედავად მძიმე პირობებისა, იქმნება ახალი არქიტექტურული ნაგებობანი კონსტანტინოპოლსა და ბიზანტიის სხვა ქალაქებში: თესალონიკში, მისტრაში, ასევე ტრაპიზონის იმპერიაში. XIV-XV საუკუნეების არქიტექტურის საუკეთესო ნიმუშებს წარმოადგენს წმ. მოციქულების ეკლესია თესალონიკში, სანტანას ეკლესია მისტრაში, ხორას ტაძარი კონსტანტინოპოლში (კახრიე-ჯამე), აღდგენილი 1320 წელს, ცნობილი საზოგადო მოღვაწის თეოდორე მეტოხიტის ხელმძღვანელობით.

ბიზანტიური ხელოვნებისა და ლიტერატურის განვითარებისათვის დამახასიათებელ ახალ სტილს შეესაბამებოდა ესთეტიკური განვითარების ახალი ეტაპი - სულისა და გარეგნული ფორმის პარმონია. ამ პერიოდში ხატი, არა მხოლოდ ქრისტიანული მოძღვრების ქადაგების საშუალებაა, არამედ ხელოვნების ნაწარმოები. თეოდორე მეტოხიტი ფერწერას ადარებდა მუსიკას და ბიზანტიური ესთეტიკის ძირითად პრობლემად მრავალფეროვნების ერთ მთლიანში გაერთიანებას მიიჩნევდა.

გვიანბიზანტიური ხანის კულტურა ვერ იქნება სრულყოფილად წარმოდგენილი იმ ბერძნული სახელმწიფოების კულტურული ცხოვრების შესწავლის გარეშე, რომლებიც აღმოცენდნენ ბიზანტიის სახელმწიფოს ტერიტორიაზე ჯვაროსანთა მიერ კონსტანტინოპოლის აღების შემდეგ. ერთ-ერთ ასეთ მნიშვნელოვან, დამოუკიდებელ სახელმწიფო ერთეულს წარმოადგენს ტრაპიზონის იმპერია (1204-1461 წწ.).

ტრაპიზონის იმპერია, რომლის სათავეში იყვნენ ქართველ ბაგრატიონთა ნათესავები კომნენოსები, მოწვევტილი იყო საერთობერძნულ-ბიზანტიური კულტურის ცენტრებიდან. ტრაპიზონის იმპერიის კულტურას განსხვავებული თავისებურებანი ჰქონდა, რაც განპირობებული იყო, ქვეყნის გეოგრაფიული მდებარეობითა და მისი მოსახლეობის ეთნიკური შემადგენლობით. ტრაპიზონის იმპერია ინარჩუნებდა მჭიდრო კავშირებს როგორც აღმოსავლეთის მუსლიმურ ქვეყნებთან, ასევე იტალიასთან, განსაკუთრებით ვენეციასთან და გენუასთან. ტრაპიზონის იმპერია მთელი თავისი არსებობის მანძილზე, ყველაზე მჭიდრო ურთიერთობაშია საქართველოსთან.

ტრაპიზონში განსაკუთრებული ყურადღება მიექცა მთა-
გმნელობით მოღვაწეობას. რადგანაც მათ გააჩნდათ აღმოსა-
სავლეთის ქვეყნებთან აქტიური ურთიერთობის საშუალება, XIII
საუკუნეში ტრაპიზონში ითარგმნა სპარსული და არაბულ-
ენებიდან ბერძნულ ენაზე სხვადასხვა ტრაქტატი ასტრონომიაში,
მედიცინაში, მათემატიკაში. ტრაპიზონის კულტურა, მასს-
ქართული და აღმოსავლეთის სხვა ხალხების მნიშვნელოვანი გა-
ლენის მიუხედავად, მაინც ბერძნული იყო. XV საუკუნის ტრა-
პიზონელმა მეცნიერებმა და მწერლებმა იოანე ევგენიკმა და
გიორგი ამირუციმ წარუშლელი კვალი დატოვეს მედიევალურ
ბერძნულ კულტურაში. გარკვეული პერიოდი ტრაპიზონში მოღ-
ვაწეობდა აგრეთვე ბესარიონ ნიკეელი.

ბიზანტიური კულტურა იმპერიის დაცემის შემდეგაც, და-
ყრობილი ქვეყნის უმძიმეს პირობებში აგრძელებდა არსებობას
ხალხის ჩვევებსა და ყოფა-ცხოვრებაში. ბიზანტიური კულტურა
ოსმალთა ბატონობის პერიოდში ძირითადად მართლმადიდებელი
ეკლესიის წიაღში ვითარდებოდა. ბიზანტიური კულტურის წარ-
მომადგენლებმა კონსტანტინოპოლის დაცემის შემდეგ გადა-
ინაცვლეს სხვა ქვეყნებში, ძირითადად იტალიაში და მნიშვნე-
ლოვანი გავლენა მოახდინეს იტალიელ ჰუმანისტებზე და უდიდესი
წვლილი შეიტანეს იტალიური რენესანსის კულტურაში. როდესაც
ბიზანტია უკვე არ არსებობდა ბიზანტიური კულტურის ცენტრები
გაზდა კრეტა, კვიპროსი და, უპირველესად, ქალკედონის ნა-
ხევარკუნძულზე ათონის მონასტერი. ათონის წმინდა მთაზე
ბერებს მეტი თავისუფლება ჰქონდათ, მაშინ, როდესაც საბერ-
ძნეთში მხოლოდ მცირე ზომის ეკლესიათა აშენება იყო ნებადარ-
თული, მონასტრის ტერიტორიაზე შენდებოდა დიდი ტაძრები.
ათონის მთაზე XVI საუკუნეში იყო აყვავებული კულტურული
ცხოვრება.

ბიზანტიური კულტურის სულიერი ღირებულებანი დღესაც
აგრძელებს არსებობას. ბიზანტიური ფენომენის მდგრადობის
გამო გაჩნდა ტერმინი „ბიზანტია ბიზანტიის შემდეგ“. ბიზანტიურ
კულტურას გამორჩეული ადგილი უჭირავს მედიევალურ კულ-
ტურაში, ის ორთოდოქსული ქრისტიანული კულტურის სახით
არის საფუძველი არა მხოლოდ ბერძნული, არამედ სხვა აღმო-
სავლეთ ევროპის მართლმადიდებელი სახელმწიფოების კულ-

ტურათა განვითარების. როგორც შარლ დილი აღნიშნავს „მისი
კულენის კვალი დღესაც ატყვია იდეურ მიმდინარეობებსა თუ
პოლიტიკურ გეგმებს და იმ ხალხებისათვის, რომლებმაც შემ-
კვიდრობით მიიღეს იგი, თავის წიაღში დღესაც ინახავს მომავლის
ღვრიტას და თესლს. სწორედ ამიტომაც ბიზანტიური კულტურა
ორმხრივი თვალსაზრისით იმსახურებს ყურადღებას: ჩვენთვის
თანაბრად საინტერესოა ისიც, რაც იყო ეს კულტურა თავისთავად,
და ისიც, რაც მას შეაქვს ჩვენი დროის ისტორიაში.